

JIATING  
CANGSHUJILIN  
家庭藏书集锦

唐诗三百首 宋词三百首 元曲三百首

(唐) 李白等

(宋) 王安石等

(元) 伯颜等

家庭藏书集锦

中国戏剧出版社

# 目 录

|            |       |
|------------|-------|
| 唐诗三百首····· | (1)   |
| 宋词三百首····· | (93)  |
| 元曲三百首····· | (180) |



## 卷一 五言古诗

### 张九龄：感遇四首之一

孤鸿海上来，池潢不敢顾。  
侧见双翠鸟，巢在三珠树。  
矫矫珍木巅，得无金丸惧。  
美服患人指，高明逼神恶。  
今我游冥冥，弋者何所慕。

### 张九龄：感遇四首之二

兰叶春葳蕤，桂华秋皎洁。  
欣欣此生意，自尔为佳节。  
谁知林栖者，闻风坐相悦。  
草木有本心，何求美人折？

### 张九龄：感遇四首之三

幽人归独卧，滞虑洗孤清。  
持此谢高鸟，因之传远情。  
日夕怀空意，人谁感至精？  
飞沉理自隔，何所慰吾诚？

### 张九龄：感遇四首之四

江南有丹橘，经冬犹绿林。  
岂伊地气暖，自有岁寒心。  
可以荐嘉客，奈何阻重深！



运命惟所遇，循环不可寻。  
徒言树桃李，此木岂无阴？

### 李白：下终南山过斛斯山人宿置酒

暮从碧山下，山月随人归，  
却顾所来径，苍苍横翠微。  
相携及田家，童稚开荆扉。  
绿竹入幽径，青萝拂行衣。  
欢言得所憩，美酒聊共挥。  
长歌吟松风，曲尽河星稀。  
我醉君复乐，陶然共忘机。

### 李白：月下独酌

花间一壶酒，独酌无相亲。  
举杯邀明月，对影成三人。  
月既不解饮，影徒随我身。  
暂伴月将影，行乐须及春。  
我歌月徘徊，我舞影零乱。  
醒时同交欢，醉后各分散。  
永结无情游，相期邈云汉。

### 李白：春思

燕草如碧丝，秦桑低绿枝。  
当君怀归日，是妾断肠时。  
春风不相识，何事入罗帏？

### 杜甫：望岳

岱宗夫如何，齐鲁青未了。





侍婢卖珠回，牵萝补茅屋。  
摘花不插发，采柏动盈掬。  
天寒翠袖薄，日暮倚修竹。

杜甫：梦李白二首之一

死别已吞声，生别常恻恻。  
江南瘴疠地，逐客无消息。  
故人入我梦，明我长相忆。  
恐非平生魂，路远不可测。  
魂来枫林青，魂返关塞黑。  
君今在罗网，何以有羽翼？  
落月满屋梁，犹疑照颜色。  
水深波浪阔，无使蛟龙得。

杜甫：梦李白二首之二

浮云终日行，游子久不至。  
三夜频梦君，情亲见君意。  
告归常局促，苦道来不易。  
江湖多风波，舟楫恐失坠。  
出门搔白首，若负平生志。  
冠盖满京华，斯人独憔悴。  
孰云网恢恢，将老身反累？  
千秋万岁名，寂寞身后事。

王维：送别

下马饮君酒，问君何所之。  
君言不得意，归卧南山陲。  
但去莫复问，白云无尽时。



王维：送綦毋潜落第还乡

圣代无隐者，英灵尽来归。  
遂令东山客，不得顾采薇。  
既至金门远，孰云吾道非？  
江淮度寒食，京洛缝春衣。  
置酒长安道，同心与我违。  
行当浮桂棹，未几拂荆扉。  
远树带行客，孤城当落晖。  
吾谋适不用，勿谓知音稀。

王维：青溪

言入黄花川，每逐青溪水。  
随山将万转，趣途无百里。  
声喧乱石中，色静深松里。  
漾漾泛菱荇，澄澄映葭苇。  
我心素已闲，清川澹如此。  
请留盘石上，垂钓将已矣。

王维：渭川田家

斜阳照墟落，穷巷牛羊归。  
野老念牧童，倚杖候荆扉。  
雉鸣麦苗秀，蚕眠桑叶稀。  
田夫荷锄至，相见语依依。  
即此羡闲逸，怅然吟《式微》。

王维：西施咏

绝色天下重，西施宁久微。



朝为越溪女，暮作吴宫妃。  
贱日岂殊众，贵来方悟稀。  
邀人傅脂粉，不自著罗衣。  
君宠益娇态，君怜无是非。  
当时浣纱伴，莫得同车归。  
持谢邻家子，效颦安可希？

孟浩然：秋登兰山寄张五

北山白云里，隐者自怡悦。  
相望试登高，心随雁飞灭。  
愁因薄暮起，兴是清秋发。  
时见归村人，沙行渡头歇。  
天边树若荠，江畔洲如月。  
何当载酒来，共醉重阳节。

孟浩然：夏日南亭怀辛大

山光忽西落，池月渐东上。  
散发乘夕凉，开轩卧闲敞。  
荷风送香气，竹露滴清响。  
欲取鸣琴弹，恨无知音赏。  
感此怀故人，中宵劳梦想。

孟浩然：宿业师山房待丁大不至

夕阳度西岭，群壑倏已暝。  
松月生夜凉，风泉满清听。  
樵人归欲尽，烟鸟栖初定。  
之子期宿来，孤琴候萝径。





王昌龄：同从弟南斋玩月，忆山阴崔少府

高卧南斋时，开帷月初吐。  
清辉澹水木，演漾在窗户。  
荏苒几盈虚，澄澄变今古。  
美人清江畔，是夜越吟苦。  
千里共如何，微风吹兰杜。

邱为：寻西山隐者不遇

绝顶一茅茨，直上三十里。  
扣关无僮仆，窥室惟案几。  
若非巾柴车，应是钓秋水。  
差池不相见，黽勉空仰止。  
草色新雨中，松声晚窗里。  
及兹契幽绝，自足荡心耳。  
虽无宾主意，颇得清净理。  
兴尽方下山，何必待之子！

綦毋潜：春泛若耶溪

幽意无断绝，此去随所偶。  
晚风吹行舟，花路入溪口。  
际夜转西壑，隔山望南斗。  
潭烟飞溶溶，林月低向后。  
生事且弥漫，愿为持竿叟。

常建：宿王昌龄隐居

清溪深不测，隐处惟孤云。  
松际露微月，清光犹为君。



茅亭宿花影，药院滋苔纹。  
余亦谢时去，西山鸾鹤群。

岑参：与高适薛据登慈恩寺浮图

塔势如涌出，孤高聳天宮。  
登臨出世界，磴道盤虛空。  
突兀壓神州，崢嶸如鬼工。  
四角碍白日，七層摩蒼穹。  
下窺指高鳥，俯聽聞驚風。  
連山若波濤，奔湊如朝東。  
青槐夾馳道，官觀何玲瓏。  
秋色從西來，蒼然滿關中。  
五陵北原上，萬古青濛濛。  
淨理了可悟，勝因夙所宗。  
誓將挂冠去，覺道資無窮。

元結：賊退示官吏

癸卯歲，西原賊入道州，焚燒殺掠，几盡而去。明年，賊又攻永郡，不犯此州邊鄙而退。豈力能制敵欤？蓋蒙其傷憐而已。諸使何為忍苦征斂，故作詩一篇以示官吏。

昔歲逢太平，山林二十年。  
泉源在庭戶，洞壑當門前。  
井稅有常期，日晏猶得眠。  
忽然遭世變，數歲親戎旃。  
今來典斯郡，山夷又紛然。  
城小賊不屠，人貧傷可憐。  
是以陷鄰境，此州獨見全。  
使臣將王命，豈不如賊焉。



令彼征敛者，迫之如火煎。  
 谁能绝人命，以作时世贤。  
 思欲委符节，引竿自刺船。  
 将家就鱼麦，归老江湖边。

韦应物：郡斋雨中与诸文士燕集

兵卫森画戟，燕寝凝清香。  
 海上风雨至，逍遥池阁凉。  
 烦疴近消散，嘉宾复满堂。  
 自惭居处崇，未睹斯民康。  
 理会是非遣，性达形迹忘。  
 鲜肥属时禁，蔬果幸见尝。  
 俯饮一杯酒，仰聆金玉章。  
 神欢体自轻，意欲凌风翔。  
 吴中盛文史，群彦今汪洋。  
 方知大藩地，岂曰财赋强。

韦应物：初发扬子寄元大校书

凄凄去亲爱，泛泛入烟雾。  
 归棹洛阳人，残钟广陵树。  
 今朝为此别，何处还相遇？  
 世事波上舟，沿洄安得住？

韦应物：寄全椒山中道士

今朝郡斋冷，忽念山中客。  
 涧底束荆薪，归来煮白石。  
 欲持一瓢酒，远慰风雨夕。  
 落叶满空山，何处寻行迹。



韦应物：长安遇冯著

客从东方来，衣上灞陵雨。  
问客何为来，采山因买斧。  
冥冥花正开，颺颺燕新乳。  
昨别今已春，鬓丝生几缕？

韦应物：夕次盱眙县

落帆逗淮镇，停舫临孤驿。  
浩浩风起波，冥冥日沉夕。  
人归山郭暗，雁下芦洲白。  
独夜忆秦关，听钟未眠客。

韦应物：东郊

吏舍局终年，出郊旷清曙。  
杨柳散和风，青山澹吾虑。  
依丛适自憩，缘涧还复去。  
微雨霭芳原，春鸠鸣何处？  
乐幽心屡止，遵事迹犹遽。  
终罢斯结庐，慕陶真可庶。

韦应物：送杨氏女

永日方戚戚，出行复悠悠。  
女子今有行，大江溯轻舟。  
尔辈苦无恃，抚念益慈柔。  
幼为长所育，两别泣不休。  
对此结中肠，义往难复留！  
自小阙内训，事姑贻我忧。



赖兹托令门，仁恤庶无尤。  
 贫俭诚所尚，资从岂待周？  
 孝恭遵妇道，容止顺其猷。  
 别离在今晨，见尔当何秋？  
 居闲始自遣，临感忽难收。  
 归来视幼女，零泪缘缨流。

柳宗元：晨诣超师院读禅经

汲井漱寒齿，清心拂尘服。  
 闲持贝叶书，步出东斋读。  
 真源了无取，忘迹世所逐。  
 遗言冀可冥，缮性何由熟？  
 道人庭宇静，苔色连深竹。  
 日出雾露馀，青松如膏沐。  
 澹然离言说，悟悦心自足。

柳宗元：溪居

久为簪组束，幸此南夷谪。  
 闲依农圃邻，偶似山林客。  
 晓耕翻露草，夜榜响溪石。  
 来往不逢人，长歌楚天碧。



## 乐府

### 王昌龄：塞上曲

蝉鸣空桑林，八月萧关道。  
出塞复入塞，处处黄芦草。  
从来幽并客，皆共尘沙老。  
莫学游侠儿，矜夸紫骝好。

### 王昌龄：塞下曲

饮马渡秋水，水寒风似刀。  
平沙日未没，黯黯见临洮。  
昔日长城战，咸言意气高。  
黄尘足今古，白骨乱蓬蒿。

### 李白：关山月

明月出天山，苍茫云海间。  
长风几万里，吹度玉门关。  
汉下白登道，胡窥青海湾。  
由来征战地，不见有人还。  
戍客望边邑，思归多苦颜。  
高楼当此夜，叹息未应闲。

### 李白：子夜四时歌：春歌

秦地罗敷女，采桑绿水边。



素手青条上，红妆白日鲜。  
蚕饥妾欲去，五马莫留连。

李白：子夜四时歌：夏歌

镜湖三百里，菡萏发荷花。  
五月西施采，人看隘若耶。  
回舟不待月，归去越王家。

李白：子夜四时歌：秋歌

长安一片月，万户捣衣声。  
秋风吹不尽，总是玉关情。  
何日平胡虏，良人罢远征？

李白：子夜四时歌：冬歌

明朝驿使发，一夜絮征袍。  
素手抽针冷，那堪把剪刀。  
裁缝寄远道，几日到临洮？

李白：长干行其一

妾发初覆额，折花门前剧。  
郎骑竹马来，绕床弄青梅。  
同居长干里，两小无嫌猜。  
十四为君妇，羞颜未尝开。  
低头向暗壁，千唤不一回。  
十五始展眉，愿同尘与灰。  
常存抱柱信，岂上望夫台！  
十六君远行，瞿塘滟预堆。  
五月不可触，猿声天上哀。



门前迟行迹，一一生绿苔。  
苔深不能扫，落叶秋风早。  
八月蝴蝶黄，双飞西园草。  
感此伤妾心，坐愁红颜老。  
早晚下三巴，预将书报家。  
相迎不道远，直至长风沙。

李白：长干行其二

忆妾深闺里，烟尘不曾识。  
嫁于长干人，沙头候风色。  
五月南风头，思君下巴陵。  
八月西风起，想君发扬子。  
去来悲如何，见少别离多。  
湘潭几日到，妾梦越风波。  
昨夜狂风度，吹折江头树。  
渺渺暗无边，行人在何处！  
好乘浮云骢，佳期兰渚东。  
鸳鸯绿蒲上，翡翠锦屏中。  
自怜十五馀，颜色桃花红。  
那作商人妇，愁水又愁风。

孟郊：烈女操

梧桐相待老，鸳鸯会双死。  
贞妇贵殉夫，舍生亦如此。  
波澜誓不起，妾心古井水。

孟郊：游子吟

慈母手中线，游子身上衣。





临行密密缝，意恐迟迟归。  
谁言寸草心，报得三春晖？

## 世古言小 二卷

烽火夜幽登：翠千新

。昔来见不似，人古见不前。  
。不闻而然甜感，忽遇交旗天念

意古：翠千

。容燕幽小少，玉斗事儿畏  
。只小辞来由，不似可摆谱  
。始手露成霞，雨难莫人杀  
。战骨不思景秀未，月云白到蜀云黄  
。鞅薄难营语鞅册，正十平以水衣豆  
。雨成路罕三强册，战深出雷美武令

南章新登：翠千

。斗初融落未苏芽，黄麦大风南且四  
。空田息口出昌海，展寂暮除障山管  
。嫌大册版说聚披，燕世神良立梁制  
。芸草到火册骨不，舒云一斗中则  
。手露册事瓦过心，曹典为晒植口卷  
。高云藏壁空树喜，暮日白眠不相籍  
。册不测快碧事新，册天去火册西斗  
。息则空手浮阴落，寒云未人荷国联  
！回成今日和官要，凌昆册林菇燕册